



National Agricultural Research Institute

Ostralop Kakaruk



NARI TOKTOK
LAB003(P)

January 2002

Sapos yu laikim mo long dispela pepa yu ken rait i kam long adres i stap ananit
long dispela toktok:

The Librarian
National Agricultural Research Institute
Wet Lowlands Mainland Programme
PO Box 1639
LAE 411
Morobe Province
Telephone: (675) 475 1066/475 1033/475 1228
Facsimile: (675) 475 1034
Email: nariwll@datec.net.pg

GUTPELA KAKARUK BILONG PLES

Long PNG igat tupela kain kakaruk. I gat kakaruk bilong ples na kakaruk ol i kisim i kam long narapela hap ol i kolim Ostralop. Kakaruk blong ples i save raun raun planti na i ken painim kaikai nabaut long ples. Ol kakaruk meri bilong ples ino save karim kiau gut tasol ol i ken sindaun gut antap long kiau igo inap ol pikinini i kamap.

Yu ken usim ostralop kakaruk long tupela wei, long kisim mit na karim kiau. Ol kakaruk i hevi na kala em olsem grin na blak. Hevi blong kakaruk man em 4.0 kg na kakaruk meri em 3.0 kg. Ol i ken kamap na stap gut long ples.

Ol ostralop kakaruk i isi na ol i no dia tumas long baim na lukautim. Yu ken lukautim kakaruk long wanpela liklik haus. Dispela haus i mas igat inap lait na hap blong kisim win. Yu ken mekim dispela haus long diwai na kunai grass o lip bilong saksak. Yu mas mekim banis long kakaruk haus bilong stopim ol dog na stilman.

OL PIKININI KAKARUK

Taim yu kisim ol pikinini kakaruk long lukautim, long sikspela wik yu mas larim ol i stap insait

long haus long olgeta taim. Givim kaikai pulet stata o kaikai na kumu blong gaden yu kukim pinis. Bihain long dispela sikspela wik yu ken larim ol i go raun autsait long painim kaikai ol yet. Tasol yu mas givim sampela kaikai ken long ol long olgeta apinun long olgeta dei.

TAIM BILONG GIVIM KAIKAI

Yu mas wasim plet na givim kaikai na klinpela wara olgeta taim long ol kakaruk. Givim kaikai long ol kakaruk long wankain taim na wanpela ples tasol long olgeta dei.

TAIM BILONG KARIM KIAU

Taim ol Ostralop kakaruk i sevenpela mun pinis ol bai karim kiau. Yu ken bungim wanpela kakaruk man wantaim tenpela kakaruk meri. Ol kakaruk meri i ken karim 120-180 kiau long wanpela yia. Tasol, ol dispela kakaruk meri i no save sindaun gut antap long kiau. Yu ken yusim ol kakaruk bilong ples o ol maskovi pato long sindaun antap long ol kiau blong Ostralop kakaruk. Ol kiau bai bruk bihain long tripela wik na ol pikinini i kamap. Yu mas rausim ol pikinini na lukautim olsem i stap long toktok antap. Yu ken kaikai o salim ol ostralop kakaruk taim ol i 12 pela wik pinis.